

筆記小說大觀

集

蜀都碎事

清陳祥齋輯

第四冊

進步書局校印

木記小記

蜀都雜事

卷四

成都府志

蜀都碎事藝文補遺下卷

清 陳祥裔耦漁輯

蠶叢國詩四章

漢古 辭

川崖惟平。其稼多黍。旨酒嘉穀。可以養父。野惟阜丘。彼稷多有。嘉穀旨酒。可以養母。

其二

惟月孟春。獮祭彼崖。永言孝思。享祀孔嘉。彼稷既潔。彼儀惟澤。烝命良辰。祖考來格。

其三

日月明明。亦惟其名。誰能長生。不朽難獲。

其四

惟德實寶。富貴何常。我思古人。令問令望。

成都詩

蕭 邁

月曉已聞花市合。江平偏見竹簾多。好教載取芳菲樹。刺照岷天瑟瑟波。

賦得蜀都詩

褚 亮

列宿光輿并。分土跨梁岷。沉犀對江浦。駟馬入城闔。英圖多霸跡。歷選有名臣。連騎

簪纓滿含章詞賦新得上仙槎路無待訪嚴遵

成都府詩

杜甫

翳翳桑榆日照我征衣裳我行山川異忽在天一方但逢新人民未卜見故鄉大江東流去遊子去日長曾城填華屋季冬樹木蒼喧然名都會吹簫聞笙簧信美無與適側身望川梁鳥雀夜各歸中原杳茫茫初日出不高眾星尚爭光自古有羈旅我何苦哀傷

錦城曲

溫庭筠

蜀山攢黛留晴雪蔡笋蕨芽紫九折江風吹巧剪霞綃花上千秋杜鵑血杜鵑飛入巖下叢夜呌思歸山月中巴水漾情情不盡文君織得春機紅怨魄未歸芳草死江頭學種相思子樹成寄與望鄉人白帝荒城五千里

成都曲

張籍

錦水近西烟水綠新雨山頭荔枝熟萬里橋邊多酒家遊人愛向誰家宿

竹枝歌

瞿塘峽口水烟低白帝城頭月向西唱到竹枝聲咽處寒猿啼鳥一時啼

成都書事百韻詩并序

金躔奧壤。玉壘名區。風物尚饒。曠古稱最。僕守茲職任。五年載至。初則木牛流馬。馳入使以均財。次則阜益朱幡。奉一麾而作鎮。歷覽勝異。慷慨興懷。古人曰。非感發不可以言詩。非聲詩不可以導志。故言成志激。流為美談。偶因公退。輒作成都書事七言一百韻。止陳乎益都事跡。罔暇以外景加諸。庶幾謬發於斐然。詎敢芳揚於作者。詩曰。混茫丕變造。西阡物像熙熙被。一川易覺錦城銷白日。難歌蜀道上青天。雲敷牧野耕桑雨。柳拂旗亭市井烟。院鎖玉溪留妃景。坊題金馬促繁絃。風流鋪席堆紅豆。瀟灑門庭映碧鮮。表狀屢言同穎德。敕書頻獎並生蓮。旋科杞樹炊香稻。剝種疏窠沃晚田。仁宅不隳由政立。義園無取任情遷。民知禮遜蠶叢後。俗尚奢華邃古先。遶郭波濤來浩浩。歸朝岐路去綿綿。乍迴黑水將成道。潛到青羊恐遇仙。靚女各攻翻樣繡。袷商兼制呀綾牋。壚邊泛蟻張裙幄。江上鳴鼉簇綵船。百筮峻嶒衙對峙。琴臺恢澗寺相連。犀葩艷裏珍禽語。百草香中瑞獸眠。喜趣必臻尤佇望。勝遊爭倦更遷延。早荷葉底蹲鴟伏。梭樹梢頭亂蝶穿。醴發牢盆渾棄鹵。鐵資園法免鉅鉛。豐饒物態寧殊越。美麗姝姬酷類燕。西海號雄彰傳紀。南康辭健積銘鐫。良工手技高容

學妙隱丹方秘不傳。倚劍靈關凌絕頂。夢刀孤壘削危巔。金華巷陌遺三品。石鏡伽藍露一拳。信落荊州隨鼓枹。檢頒芝闕聽搖鞭。若量內地寒暄異。且在遐陬水陸全。渝舞舊云傳樂府。巴談誰曰繫言詮。九苞綰就佳人髻。三閤裝成子弟羈。欲辨坤維尋地理。纔臨益部認郊廛。文翁室暗封苔蘚。葛亮祠荒享豆籩。貨出軍儲推賑濟。轉行交子頌輕便。氣蒸蒟蒻根鬚潤。日罩桄榔樹影圓。藥市風光燕墊外。花潭遊樂鷓鴣鳴前。聚源待擬求鳬氏。貯怨那能雪杜鵑。聚植森榮還蓊蔚。夾流湍迅迴潺湲。鮮明機杼知無算。細碎錐刀不啻千。合併鷗鬟齊窈窕。對陪霓袖競翩翾。五門冷映岷峨雪。千里爰疏濯壩泉。茂或八絃宜得最。膏腴十道比俱偏。哀茲不到生無分。段相重來宿有緣。歟召相如登苑苑。驟遷太白步花韞。歲蕤草木時為瑞。奇秀江山代產賢。曉後細風紅灼灼。夜中微雨碧芊芊。錦亭焰燭明欹障。香閣繡毬暖熨氈。寶塔徘徊停隼旟。觀街雜沓擁輜輶。酴醾引架家家郁。躑躅攀條處處妍。重愛魯儒提德柄。威降曹將董戎旃。懽謠少負實人勇。長講多經楚客禪。似簇綺羅偏煥耀。如流車馬倍喧闐。檣機顯綽名堪錄。題柱芬芳事莫捐。李特鋒鋌徒恃險。張儀規畫自持顛。鷹揚器業成悠久。烏合奸雄敗轉旋。漫向鼎分澄霸道。却當龜化驗都廛。強貪楚滅悲傾

轡廣洽堯詢喜慕羶側弁猖狂拋玉竿。歸鞍酩酊墜金鈿。氛埃屏息雲常覆。稼穡繁
滋澤靡愆。睿聖宵衣垂乃睠。貴臣馳日每傳宣。石牛邁路加歆饗。江濱隆區助潔蠲。
避暑亭臺珍簟設。縱開池沼釣絲牽。遮蠻帶礪長能固。捍蜀金湯遠益堅。何武甲科
曾繼踵。嚴真卜兆罕差肩。儲書競甲諸家集。博識咸修百氏牋。紙碓暮春臨岸潄。水
樽春注截河壩。華嚴像閣涼堪愛。淨眾松溪僻可憐。學射崔嵬橫罨靄。放生寬廣媚
漪漣。解庭嫩笋青簋簋。風檻新荷綠扇扇。守戍貔貅千萬騎。采葑簪筍兩三員。清
江瀉執方流巽。大面盤形正壓乾。雷掃谷風藏虎嘯。雷暝官樹灑龍涎。郤占遯應星
舒彩。樂喚端聆火樸然。令範式驅民軟軟。咨謀疇倚道平平。性寒甘蔗猱偷齧。體膩
芭蕉蠹莫沿。誌讀備興重掩卷。史看唐幸懶終篇。雕盤姹女呈酥作。水巷癡童颺紙
鳶。初下鹿頭迷郭杜。暫來犀浦誤伊瀍。變秦言語生皆會。戀土情懷死不悛。結厦斧
斤宗簡易。入神丹腹厲精專。柳堤夜月珠簾捲。花市春風繡幕褰。十縣版圖分戶籍。
一城牌肆係民編。受辛滋味饒薑蒜。劇饌盤飧足鮪鱸。月季宵霜秋肯挫。荔枝衝瘴
夏宜然。幾番藂筍鳴虛籟。是個園林噪懶蟬。蠢動乘時先養育。菁英屆候別陶甄。地
丁葉嫩和嵐採。天蓼芽新入粉煎。平代啓聞聞繼笈。監軍憑軾見劉焉。蕙蘭馥裏幽

蹊畔。菱芡交鋪。曲島邊。繪網晚晴。誇蹴踘。畫繩寒食。戲鞦韆。氤氲紫霧。濛都邑。縹緲
彤霞。聚倭倭。蟠伏自然。銷劍戟。樓翻幾度。起戈鋌。宦遊止。嘆音塵闕。鄉飲何驚。歲月
遄。靈壽桃枝。奇共結。金砂銀鑠。貴相聯。埋輪昔按。均輸命。叱馭今分。太守權。徒為行
春。飛皂蓋。詎能許。國報青錢。政經旋考。尤多僻。民瘼深求。尚未痊。雖愧袴襦。非叔度
日期。毫墨有馮沾。俛遵廉察。思從訓。克謹操修。敢好政。南市醉過。攢幟隊。西樓權坐
列瓊筵。煩囂謹畏。傷淳厚。惠點周防。近巧諱。重祿省心。宜致寇。薄材莊貌。若臨淵。扶
危頗異。巢居幕。勸善還同。矢在弦。叨蒞一麾。康遠俗。等閒光景。又三年。

二月八日大慈寺前蠶市

宋田 況

蜀雖云樂土。民勤過四方。寸壤不容隙。僅能充歲糧。間或容墮嫗。曷能備凶癘。所以
農桑具。市易時相望。野氓集廣鄆。眾賈趨寶坊。惇本誠急務。戒其靡愆常。茲會良足
喜。後賢無忽忘。

寒食出城

前 人

郭外融和景。濃於城市中。詩聲留客醉。花意盡春紅。游人一何樂。歸馭莫匆匆。
三月十四日大慈寺建乾元節道場

前 人

赤精流景鑠。朱夏向清和。紺宇修祠盛。華封祝慶多。簪裳千載遇。鐘梵五天訶。遠俗尤熙泰。皇猷信不頗。

成都

田澄

蜀郡將知遠。城南萬里橋。衣緣鄉泪濕。貌以客愁銷。地富魚為米。山芳桂是樵。旅遊惟得酒。今日過明朝。

竹枝歌

楊慎

夔州府城白帝西。家家樓閣層層梯。冬雪下來不到地。春水生時與樹齊。

其二

日照峯頭紫霧開。雪消江面綠波來。魚復浦邊曬網去。麝香山下打柴回。

其三

江頭秋色換春風。江上楓林青又紅。下水上風來往慣。一年長在馬船中。

其四

最高峯頂有人家。冬種蔓菁春采茶。長笑江頭來往客。冷風寒雨宿天涯。

其五

清江白石女郎神。門外往來祈賽頻。風颭青旗香雨歇。山薑花開瑤草春。
其六

紅粧女伴碧江濱。滿草花簪茜草裙。西舍東隣同夜燭。吹笙打鼓賽朝雲。

其七

神女峯前江水深。襄王此地幾沉吟。曄花溫玉朝朝態。翠壁丹楓夜夜心。

其八

上峽舟郎風浪多。送郎行去為郎歌。白鹽紅錦多多載。危石高灘穩穩過。

其九

無義灘頭風浪收。黃雲開處見黃牛。白波一道青峯裏。聽盡猿聲是峽州。

其十 缺

竹枝詞

陳祥裔

峨眉山上月如環。誰信峨眉翠黛慳。小娘年年二三月。求郎拜上大峨山。

其二

竹架低檐草半堆。竹柴燒飯響如雷。竈邊揖罷隨人坐。笑道貧家只舊醅。

其三

熟梅天氣雨初過。小嬾纏腰脫短簑。撲面山嵐泥沒膝。呼姑齊唱插秧歌。

其四

萬里橋頭楊柳枝。拂波不耐小風吹。靈和殿裏思張緒。都是依依一樣絲。

其五

巴西艇子下巴東。無數灘聲曉夢中。猿叫一江雲起處。瀟瀟細雨打船篷。

其六

楊柳衙前楊柳稠。衙前舊是十三樓。烟花三月爭春市。紅粉齊來拜石頭。

其七

芳樹烟籠謝豹啼。漢家陵寢草萋萋。永安遺恨憑誰說。贏得春耕雨一犁。

其八

沙甯人家住翠微。浣花溪漲水成圍。沿溪無數村居嬾。日日溪邊坐浣衣。

其九

細雨斜風春滿林。萬山啼作杜鵑音。可憐口口聲聲血。都是思歸一片心。

其十

溪聲不斷隔林聞。水碓無人舂白雲。破無半間修竹裏。爨烟籠樹隱朝曛。

禮殿詩

李石

蜀侯作類錦水湄。先聖先師同此室。巍然夫子據此座。殿以周公名自昔。聖人兩兩如一家。均是周人先後出。東家想見終夜夢。猶與公孫同衾舄。斯文授受乃關天。不為漢唐加損益。我時來視俎豆事。重是漢人斤斧迹。漢宮制度九天上。散落人間此其一。多因豐屋起戍心。獨此數檐綿歲歷。規摹堞堞東魯似。氣象縹緲西岷敵。竹松猶是斯干詩。風雨方知隆棟吉。雖然漢獻來至今。閱時已多駒過隙。中間豈無烏鼠慮。妙斲不知難輒易。工師不揆亂如麻。敢向殿門言匠石。詩書譬彼尚闕文。後學如何補遺逸。祖龍非意竊登床。蚪蚪有心來壞壁。舊章僅在命如絲。誰勒吾詩勝丹漆。

古柏詩

左右生

思人誰復念婆娑。窟室崖陰未易磨。四十圍間看溜雨。三千年後數恒河。不堪與世供狙械。尚許遺民占鳥窠。從此便名夫子樹。匡人斤斧奈予何。

成都子雲洗墨池詩

趙貞吉

墨鱗拔浪遊奇門。靈鳥下掃腸甘痕。幽蚪叶水沉古影。武擔山風珮珊冷。魂迷瘴再芙蓉濕。侯巴噴腔三斗汁。黃金蹴地吹作灰。商鬼蒿城泪花澀。

謁先主廟絕句三首

張儼

扶順繼皇業。並吞勢由己。天命出雄圖。誰歌大風起。得股肱賢明。能以奇用兵。何事傷客情。何人居帝京。雄名垂竹帛。荒陵壓阡陌。終古更何聞。悲風入松柏。

武侯廟

杜甫

遺廟丹青落。

一作古

空山草木長。猶聞辭後主。不復卧南陽。

奉陪安撫大卿登八陣臺覽觀忠武侯諸葛公遺像詩

張縯

白帝城西魚復浦。十月江平見津滸。當年累石粉成行。此地卧龍經講武。轅門外建巖中權。列陣相承存後伍。何人蛇勢識常山。未數魚麗矜鄭拒。懸知精神貫金石。尚想號令嚴鉦鼓。老兵料敵應疑生。川后澄波其敢侮。向令赤伏有餘簪。下睨皇州真指取。云何遺跡司神明。獨靳豐功口寰宇。高城置酒共登眺。往事興懷增嘆撫。巍然王佐三代前。信矣名言照千古。

同羣公秋登琴臺詩

高適

古跡使人感。琴堂空寂寥。靜然顧遺塵。千載如昨朝。臨眺自茲始。羣賢久相邀。德與形神高。孰知天地遙。四時何倏忽。六月鳴秋蜩。萬象歸白帝。平川橫赤霄。猶是對夏伏。幾時有涼飈。燕雀滿簷楹。鴻鵠搏扶搖。物性各自得。我心在漁樵。兀然還復醉。尚握樽中瓢。

琴臺

杜甫

茂陵多病後。尚愛卓文君。酒肆人間世。琴臺日暮雲。野花留寶靨。蔓草見羅裙。歸鳳求凰意。寥寥不復聞。

琴臺臨江仙詞

陳祥裔

野草西風山郭外。荒臺日暮煙深。小橋斜徑入山林。只今橋下水。猶是古琴心。斷雁一聲天地暝。愁來有泪沾巾。燒琴人作賞音人。賣文無計久。誰不惜千金。

草堂

杜甫

昔我去草堂。蠻夷塞成都。今我歸草堂。成都適無虞。請陳初亂時。反覆乃須臾。大將赴朝廷。羣小起異圖。中宵斬白馬。盟歃氣已麤。西取邛南兵。北斷劍閣隅。布衣十數人。亦擁專城居。其勢不兩大。始聞蕃漢殊。西卒却倒戈。賊臣互相誅。焉知肘腋禍。自

及臬鏡

世本作鏡

徒義士皆痛憤。紀綱亂相踰。一國實三公。萬人欲為魚。唱和作威福。孰

肯

一作能

辨無辜。眼前列杵械。背後吹笙竽。談笑行殺戮。濺血滿長衢。到今用鉞地。風

雨聞號呼。鬼妾與鬼馬。色悲充爾娛。國家法令在此。又足驚吁。賤子且奔走。三年望

東吳。孤矢暗江海。難為遊五湖。不忍竟舍此。復來雜榛蕪。入門四松在。步堞萬竹疎。

舊犬喜我歸。低徊入衣裾。隣里

一作舍

喜我歸。沽酒携胡蘆。大官喜我來。遣騎問所須。

城郭喜我來。賓客隘村墟。天下尚未寧。健兒勝腐儒。飄飄

一作飄飄

風塵際。何地置老夫。

於時見疣贅。骨髓幸未枯。飲啄愧殘生。食薇不敢餘。

除草

自注云去蕪也按蕪音潛又除艾切山韭也

前人

草有害於人。曾何生阻修。其毒甚蜂蠆。其多彌道周。清晨步前林。江色未散憂。芒刺

在我眼。焉能待高秋。霜雪一霑凝。蕪葉亦難留。荷鋤先童稚。日入仍討求。轉置水中

央。豈無雙釣舟。頑根易滋蔓。致使依舊丘。自茲藩籬曠。更覺松竹幽。芟夷不可闕。疾

惡信如讐。

草堂即事

前人

荒村建子月。獨樹老夫家。雪裏江船渡。風前徑竹斜。寒魚依密藻。宿鷺起圓沙。濁酒

禁愁得。無錢何處賒。

題草堂寺

黃君瑞

草堂禪寺北山陲。想見鳴騶入谷時。猿鶴如懷海鹽令。魚龍猶護紹興碑。排岩樹老秋來早。上殿僧稀曉散遲。我亦于今抗塵土。臨風慙讀孔璋移。

遊草堂

陳南賓

西出秦關道路長。岷峨東望鬱蒼蒼。蓬萊三賦舊無敵。同谷七歌今可傷。茅屋秋高風瑟瑟。布衾鐵冷雨床床。浣花溪上應回首。千載令人憶草堂。

草堂

內有杜工部石像

陳祥裔

萬里橋西舊草堂。愀然石像帶愁長。可憐憂國經綸意。都作驚人翰墨香。落拓襟期餘傲骨。飄零天地剩空囊。秋風壞壁夕陽裏。疏竹荒烟斷客腸。

草堂寺臨江仙詞

在浣花溪側有杜工部石像

陳祥裔

一曲浣花溪水碧。竹籬搖落晴曛。鐘聲敲斷遠山雲。西風吹客泪。哀雁弔詩魂。羸得傷心一片石。依然憂國憂民。野荒衰草鎖柴門。無家離別語。似為宦遊人。

初同陳玉泉代巡飲青羊宮詩

雷賀正

丹室崔嵬傍郭幽。塵襟喜向上清遊。青羊自古逢玄肆。白鶴何年下寶丘。鐘鼓頻聞千堞曉。松筠長鎖四時秋。仗君繡斧霜威霽。萬象春寒錦水流。

宣華苑宮詞

蜀王衍

輝輝赫赫浮玉雲。宣華池上月華春。月華如水浸宮殿。有酒不醉真癡人。

宮詞

花蕊夫人

五雲樓閣鳳城間。花草長新日月閑。三十六宮連內苑。太平天子住昆山。

其二

會真廣殿約宮牆。樓閣相扶倚太陽。淨梵玉階橫水岸。御爐香氣撲龍床。

其三

龍池九曲遠相通。楊柳牽絲兩岸風。長似江南好風景。畫船來往碧波中。

其四

東內斜將紫氣通。龍池鳳苑夾城中。曉鐘聲斷嚴粧罷。院院紗窗海日紅。

其五

殿庭新立號重光。島上亭臺盡改張。但是一人行從處。黃金閣子鎖牙床。